

**ҚОЖА АХМЕТ ЯСАУИ АТЫНДАҒЫ ХАЛЫҚАРАЛЫҚ
ҚАЗАҚ-ТҮРІК УНИВЕРСИТЕТІ
МЕДИЦИНАЛЫҚ ҒЫЛЫМИ-ЗЕРТТЕУ ИНСТИТУТЫ
РЕГЛАМЕНТІ**

БІРІНШІ БӨЛІМ

Мақсаты, қолдану аясы, негіздемесі және қысқартылған сөздер

Жалпы ережелер

1-бап. (1) Медициналық ғылыми-зерттеу институтының қазақ, орыс және ағылшын тілдеріндегі атауы жазылған мөрі, бұрыштама белгісі, қазақ, орыс, түрік және ағылшын тілдеріндегі атауы жазылған бланкісі болады.

(2) Медициналық ғылыми-зерттеу институты Қожа Ахмет Ясауи атындағы Халықаралық қазақ-түрік университетінің құрылымдық бөлімшесі болып табылады.

(3) Институт атауы қазақ тілінде: Қожа Ахмет Ясауи атындағы Халықаралық қазақ-түрік университеті Медициналық ғылыми-зерттеу институты; түрік тілінде: Hoca Ahmet Yesevi Uluslararası Türk-Kazak Üniversitesi Sağlık Bilimleri Araştırma Enstitüsü; орыс тілінде: Медицинский научно-исследовательский институт Международного казахско-турецкого университета имени Ходжа Ахмеда Ясави; ағылшын тілінде: Scientific Research Institute of Health Sciences of Khoja Akhmet Yassawi International Kazakh-Turkish University ретінде белгіленді.

Қолдану аясы

2-бап. (1) Осы регламент Медицина кластерінің медициналық ғылыми-зерттеу институтының мақсатын, қызметтерін, органдарымен қатар тәртібі мен негіздерін қамтиды.

Негіздемесі

3-бап. (1) Осы регламент Қожа Ахмет Ясауи атындағы Халықаралық қазақ-түрік университеті Жарғысының 5 (е), 8 (с), 10 (а) және 15-баптарына негізделіп дайындалды.

Қысқартылған сөздер

4-бап. (1) Осы регламентте қолданылған қысқартылған сөздер төмендегідей:

а) Институт: Қожа Ахмет Ясауи атындағы Халықаралық қазақ-түрік университетінің медицина кластерінің медициналық ғылыми-зерттеу институты;

б) Институт директоры: Қожа Ахмет Ясауи атындағы Халықаралық қазақ-түрік университетінің медицина кластерінің медициналық ғылыми-зерттеу институтының директоры;

с) Ректор: Қожа Ахмет Ясауи атындағы Халықаралық қазақ-түрік университетінің ректоры;

д) Ректор өкілі: Қожа Ахмет Ясауи атындағы Халықаралық қазақ-түрік университетінің ректорының бірінші орынбасары;

е) Университет: Қожа Ахмет Ясауи атындағы Халықаралық қазақ-түрік университеті;



f) Ғылыми кеңесі: Қожа Ахмет Ясауи атындағы Халықаралық қазақ-түрік университеті, медицина кластерінің Ғылыми кеңесі;

g) Басқару кеңесі: Қожа Ахмет Ясауи атындағы Халықаралық қазақ-түрік университетінің медицина кластерінің медициналық ғылыми-зерттеу институты Басқару кеңесі мағынасын білдіреді

ЕКІНШІ БӨЛІМ

Институттың мақсаттары мен қызметтері

Институттың мақсаты

5-бап. (1) Институттың негізгі мақсаты – медицина саласында білім беру, зерттеу және тәжірибе жүргізу арқылы халықтың денсаулығын жақсарту мен дамуына ықпал ету.

Институттың қызметтері

6-бап. (1) Институттың қызметтері төмендегідей:

- a) Тәжірибелік жағдайларда негізгі дағдылар бойынша оқыту;
- b) Медицинада тәжірибелік зерттеулер жүргізу мәселелері бойынша жас ғалымдар мен студенттерді оқыту мен кеңес беруді ұйымдастыру;
- c) Тәжірибелік жағдайларда диагностикалау мен емдеудің инновациялық технологияларын өңдеу, ғылыми негіздеу мен ендіру;
- d) Білікті мамандарды дайындау бойынша еліміздің ең алдағы ғылыми-білім орталығының бірі ретінде Университетті ұсыну;
- e) Институт базасында фундаментальдық медицинаның өзекті мәселелері бойынша ғылыми және әдістемелік зерттеулер жүргізу мақсатында ғылыми ұйымдардың жұмысын ұйымдастыру;
- f) Әртүрлі деңгейдегі ғылыми-техникалық бағдарламаларға белсенді түрде тарту арқылы ғылыми, педагогикалық қызметкерлер мен мамандардың ғылыми-педагогикалық потенциалы мен мотивациясын жоғарылату;
- g) Қазақстан мен шетел мемлекеттерінің ғылыми салаларымен тәжірибе алмасу және ғылыми зерттеулер жүргізу мақсатында бірлесіп жұмыс жасауға ықпал ету.
- h) Дипломға дейінгі студенттерге, интерндерге, магистранттарға, докторанттарға және қызығушылық танытушыларға медициналық ғылыми-зерттеу жұмыстарын жүргізу әдістерін үйрету.
- i) Wetlab жағдайында хирургтарды симуляциялық оқыту.
- j) Дәрігерлер мен орта буын мейірбикелердің ғылыми-зерттеу жұмыстарын жүргізу әдістері бойынша біліктілік курсы ұйымдастыру.
- k) Ғылыми зерттеулер жүргізу.
- l) Конгресстер, конференциялар ұйымдастыру.
- m) Фундаментальдық, экспериментальды және қолданбалы ғылыми зерттеулер жүргізу.
- n) Университеттің ұлттық және халықаралық конкурстарда ғылыми жобаларды ұтып алу негізінде қосымша қаржылық қорлар көзін тарту;



o) Университеттің материалды-техникалық базасы мен ғылыми-педагогикалық потенциалын нығайту мақсатында Институт базасында ақылы кеңес, зертханалар, диагностикалық және клинико-зертханалық қызметтер ұйымдастыру

p) Зертханалық медицина, клиникалық зертхана аумағында эксперттік және консалтингтік көмек көрсету. Халыққа ақылы кеңес беру, зертханалық, диагностикалық және клинико-эксперименталдық көмек көрсету.

q) Халыққа ақылы кеңес, зертханалық, диагностикалық және клинико-зертханалық қызмет көрсету.

r) Басқа елдерден, сонымен қатар Visiting Professor бағдарламасы бойынша шақырылған белгілі ғылыми және ғылыми-педагогикалық мамандарды Ғылыми КДЗ жұмыс барысымен таныстыру.

s) Ғалымдар, педагогтар, магистранттар мен студенттер алмасу үрдісі негізінде басқа елдердің ғылыми орталықтарымен байланысты нығайту.

t) Институт базасында дипломға дейін және дипломнан кейін жаңа лабораториялық зерттеулер әдісіне үйрету. (оқу сабақтарын жүргізу).

u) Ғылыми-зерттеулер жүргізу және ғылыми-зерттеу бағдарламаларды өңдеу. Денсаулық сақтау бөлімшелерімен бірге жұмыс жасау барысында тәжірибелік зерттеулер жүргізу және халыққа диагностикалық көмек көрсету.

v) Кафедралармен біріге отырып студенттермен бірге ғылыми-зерттеу жұмыстарын ұйымдастыру.

w) Университет қызметкерлері мен басқа мекемелердің мамандарының біліктілігін арттыру мақсатында семинарлар, конференциялар, арнайы курстар өткізу.

x) Ғылыми-зерттеу лабораториясының есеп-қисаптық құжаттарын, сонымен қатар нормативтік құжаттар мен сапа жүйесінің құжаттарын өңдеу мен жүргізу.

y) Сапа жүйесін жетілдіру мен нәтижелерін сараптау мақсатында зертханаішілік сапаны бақылау мен сапаны қамтамасыз ететін ішкі тексерулер жүргізу.

z) Зертхананың материалды-техникалық базасын үнемі жақсарту мақсатында құрал-жабдықтар, реагенттер, қажетті материалдарға тапсырыс дайындау.

ҮШІНШІ БӨЛІМ

Институттың құрылымы мен қызметтері

Институттың құрылымы

7- бап. (1) Институт төмендегі органдардан тұрады:

- a) Институт директоры
- b) пәнаралық медицина бойынша зерттеу лабораториясы;
- c) метаболикалық синдром бойынша зерттеу лабораториясы
- d) ғылыми клиникалық лаборатория;
- e) клинико-анатомиялық экспериментальды лаборатория;



Институт директоры

8-бап. (1) Ректор мен ректор өкілінің шешімімен үш жылға тағайындалады. Жұмыс мерзімі аяқталған институт директоры, қайтадан қызметке тағайындалу құқығына ие. Институт директоры жұмыс орнында болмаған кезде оның қызметін директор орынбасары атқарады.

Институт директорының қызметтері

9-бап. (1) Институт директорының қызметтері төмендегідей:

- a) Жылдық және төрт жылдық стратегиялық даму жоспарын, институттың жұмыс жоспарын және жұмыс есебін дайындап, Басқару кеңесіне ұсыну;
- b) Басқару кеңесін жиналысқа шақыру, жиналысқа төрағалық ету және жиналыста қабылданған шешімдерді орындау;
- c) Институттың атынан өкіл ету, академиялық қызметтері мен басқару жұмыстарын жүргізу;
- d) Отандық және халықаралық ғылыми ұйымдар мен зерттеу және практикалық орталықтарымен ынтымақтастық қатынастарын орнату арқылы институттың мақсатына сай жобаларды дайындауды қамтамасыз ету;
- e) Жариялануға ұсынылған зерттеулер мен ізденістерді Ғылыми кеңесіне ұсыну;
- f) Ғылыми кеңесі тарапынан институт мақсатына сәйкес берілген басқа да міндеттерді орындау.
- g) Жыл сайын атқарылған жұмыстар жөнінде Ғылыми кеңесіне есеп беру.

Басқару кеңесі

10-бап. (1) Басқару кеңесі университет ректоры мен ректор өкілінің ортақ шешімімен тағайындалған төрт мүше мен институт директорынан құралады. Басқару кеңесі мүшелерінің қызмет мерзімі үш жыл. Қызмет мерзімі аяқталған мүшелер қайтадан тағайындалуы мүмкін. Қызметінен босаған, Басқару кеңесі мүшесінің орнына қалған мерзімді аяқтау үшін алғашқы тағайындау барысында қолданылатын негіздер шеңберінде жаңа мүше тағайындалады.

(2) Басқару кеңесі институт директорының шақыруымен кем дегенде екі айда бір рет жиналады. Қажет болған жағдайда институт директоры Басқару кеңесін төтенше жиналысқа шақыра алады. Басқару кеңесінің жиналысына Институт директорымен қоса, кем дегенде үш мүше қатысуы тиіс. Шешімдер көпшілік дауыспен қабылданады. Дауыстар бірдей болған жағдайда, Төрағаның дауысы екі дауыс болып есептелінеді.

Институт лабораторияларының қызметтері

11-бап. (1) Институт лабораторияларының қызметтері төмендегідей:

- a) Медицина ғылымының әр-түрлі бағыты бойынша фундаментальдық және қолданбалы зертеулер жүргізу.
- b) Комплекстік ғылыми бағдарламаларды өңдеп, басшылыққа ұсыну.
- c) Бірге зерттеулер жүргізу мақсатында, ғылым бөлімінің шетелдік ғалымдар, ғылыми ұжымдар мен зертханаларды тарту жұмысына бірге атсалысу. Құрылымдық бөлімшелердің ғылыми-зерттеу, ғылыми-әдістемелік және инновациялық жұмыстарын орындауға көмек беру. Мемлекеттік бағдарламалар, денсаулық сақтау мен инициативтік жобаларды халықаралық бағдарламалары аясында ұйымдастырылатын республикалық,



шетелдік және халықаралық ғылыми-зерттеу жобаларға Университеттің қатысуына көмек беру.

d) Оқу-тәжірибелік процесті жоспарлау аясында: Университеттің құрылымдық бөлімшелерінің басшыларымен бірге оқу процесі мен тәжірибесін, жұмыс оқу жоспарларын, графиктер мен институт базасында өткізілетін оқу және тәжірибелік сабақтарды жоспарлауға жауаптылардың бірге атсалысуы.

e) Клинико-зертханалық диагностика бағыты бойынша Университеттің материалды-техникалық базасы мен ғылыми-педагогикалық потенциалын қолдану арқылы Университеттің кафедралары мен басқа да оқу бөлімшелері арқылы институт базасында оқу тәжірибелік базасын ұйымдастыру.

f) Халықаралық, республикалық, аймақтық, салалық ғылыми конгрестер, конференциялар, симпозиумдар, сабақтар, семинарлар ұйымдастыру немесе ұйымдастыруға қатысу.

g) Оқу процесі мен оқу-өндірістік тәжірибе жұмысына ғылыми-зерттеу жұмыстарының нәтижелерін ендіруге бағытталған бағдарламаларды өңдеу.

Институт құрылымы (штаты)

12-бап. Институт штаты төмендегідей: 1 директор, 1 хатшы, 1 виварий меңгерушісі, 2 штат институт есебінен және 2 штат ҒЗЖ есебінен аға ғылыми қызметкер, 2 штат институт есебінен және 2 штат ҒЗЖ есебінен кіші ғылыми қызметкер, 2 штат институт есебінен 2 штат ҒЗЖ есебінен лаборант, 1 виварий қызметкері.

ТӨРТІНШІ БӨЛІМ

Соңғы және басқа да ережелер

Қаржылық ережелер

13-бап. (1) Институт бюджеті университет бюджетінен бөлінген қаржыдан және заң шеңберіндегі қаржы көздерінен келіп түсетін кірістерден және қайырымдылық қаражаттардан құралады.

(2) Институттың жылдық бюджеті Басқару кеңесі тарапынан дайындалады және университет бюджетінің құрамында Өкілетті Кеңес тарапынан бекітіледі.

(3) Басқару кеңесі мүшелеріне Қазақстан Республикасының заңдарына сәйкес жол шығындары және тәуліктік төлемдер төленеді.

Өзге де ережелер

14-бап. (1) Осы регламентте қарастырылмаған мәселелер бойынша Университет регламенттері негізге алынады.

Күшіне ену

15-бап. (1) Бұл регламент институттың тіркеу жұмыстары аяқталғаннан кейін өз күшіне енеді.

Жүзеге асыру

16-бап. (1) Бұл регламентті университет ректоры және ректор өкілі жүзеге асырады.



Регламент қабылданған Өкілетті Қенес мәжілісінің

Күні: 24 / 06 / 2014

Мәжіліс № 48

Шешім № 10.3

